

Uunga siunnersuut: Umiarsualivimmiinnermut akileraarutit pillugit Inatsisartut inatsisaata allanngortinnera pillugu Inatsisartut inatsisissaannut siunnersuut
(Umiarsuarni takornarianik angallassisuni ilaasut akileraarutaannik atuutilersitseqqinneq)

(Aningaasaqarnermut Akileraartarnermullu Naalakkersuisoq)

Akissuteqaat

(Aningaasaqarnermut Akileraartarnermullu Naalakkersuisoq)

Aappassaaneerinnineq

Aningaasaqarnermut Akileraartarnermullu Ataatsimiititaliaq maanna siunnersuummut isumaliutissiissumminik tunniussisimalerpoq. Naalakkersuisut sinnerlugit siunnersuummut politikikkut annertuumik tapersiineq qujassuteqarfigissavara.

Aningaasaqarnermut Akileraartarnermullu Ataatsimiititaliaq siunnersuummut isumaliutissiissummini umiarsuarnut takornariartaatinut ilaasunut akiliummik ingerlaavartumik eqaatsumillu nalimmassaasarnissamik periarfissaqartoqalernissaa kissaatitaa, siunnersuutillu pingajussaaneerneqarneranut atatillugu, tassannga piviusunngortitsinermik qularnaarisumik Naalakkersuisut allannguutissatut siunnersuummik saqqummiussinissaannik kaammattorlugit.

Naalakkersuisut Aningaasaqarnermut Akileraartarnermullu Ataatsimiititaliap isumaanik paasinnipput, siunnersuullu allannguutissatullu siunnersuutit saqqummiunneqartoq, siunnessami akiliutip annertussusaanik ingerlaavartumik nalimmassarneqartarnissaanik qularnaarinnittoq pingajussaaniigassanngortinneqassasoq innersuussutigalugu.

Tamanna tunuliaqutaralugu ataatsimiititaliap isumaqatigiittup siunnersuut akuerineqassasoq inassutigaa.

Allannguutissatut siunnersuut siunnersuutip pingajussaaneerneqarnerani inatsisilerinikkut teknikikkut allannguutissatut siunnersuummik aamma imaqassasoq Naalakkersuisut ilanngullugu nalunaarutigissavaat.

Inatsisip atuutilernissaa taamaalilluni 1. januar 2024-mit 1. december 2023-mut qaammammik ataatsimik siuartinneqassasoq siunnersuutigineqarpoq, taamaattoq akiliutit akiligassallu akiligassanngortinneqartarnerannut tunngasut suli ulloq 1. januar 2024-mit atuutilersinneqassapput. Inatsisip atuutilerfiata qaammammik ataatsimik siuartinneqarneratigut ulloq 1. december 2023 umiarsualivinnut akileraarutit umiarsuarnullu

takornariartaatinut ilaasunut akileraarutit pillugit nalunaarutip nutartikkap saqqummiunneqarsinnaanera pisinnaangortinneqarpoq.

Naalakkersuisut matumuuna siunnersuut allannguutissatut siunnersuutitut saqqummiunneqartut ilanngullugit pingajussaaniigassanngortillugit ingerlatinneqarnissaat inassutigaat.